



This e-book was digitized from an original copy by the West African Research Association for the African Language Materials Archive (ALMA) project. Original funding for this project was provided by [UNESCO](#) and the [Council of American Overseas Research Centers \(CAORC\)](#) in cooperation with the [West African Research Association](#) and [Columbia University](#).

Please see the following web sites for more information about the ALMA project, contributing authors, and more titles in the series.

- Digital Library for International Research catalog: <http://catalog.crl.edu/search~S16>
- African Language Materials Archive (ALMA): <http://www.dlir.org/e-books.html>
- African language materials including interviews in video and PDF versions, documentary video, translation work, and bibliographies can be viewed at <http://alma.matrix.msu.edu>.



Suluu

buka a jikoo baayi



Taalij bukoo

**Sutuu buka
a jikoo baayi**

2

Edited and printed by

W.E.C. INTERNATIONAL

**Box 88, Banjul
The Gambia**

ISBN 9983-900-03-3

1987

Revised Version 1991

Suluwolu nin Baalu

N taalin, n taalin! Suluwolu ye beg baa le soto. i ye baalu buuñaa i la beg baa to. Kabirin i la beg lujo siita, baalu bee ye i paree ka taa suluwolu ye i buuñaa bego men to. Baa koton kilin be wo baalu kono, a too mu Loose ie ti. A fanaq ko, a be taa, bari baalu ko a ye ko, "Loose, ite kana bula ntolu nooma, kaatu ite noota baake le, adun ite ka sunkaq baake le. Kana taa ntolu la bego tiñaa." Loose siita, wo baa doolu taata.

Loose wulita, a ye a la kufoo taa, a ye a den a kaba la, a fanaq ye siloo muta ka taa ben dulaa to. A be taama kaa, a ye suluu furewo je. A ye wo suluu feñoo kuntu, a ye a bula a la kufoo kono, a tambita. Kabirin a futata, a ko, "Salaam maleekum!" i ko, "Maalekum salaam! Bisimila!" Loose dunta i kaa. Kabirin wo baalu ye Loose je, i ko a ye ko, "È man a fo i ye, i kana naa bag?"

Suluwolu ko i ye ko, "Ali a tu jee. A fanaa naata bego le to." Kabirin i ye domoroo ke, suluwolu ko baalu ye ko, "Saayio, ali ñà taa luwo to. Tulugo siita le. Baalu funtita, i taata luwo to. Suluwolu ye tantago jaa, i ye tantago kosi ka a juubee, fo a jaata le.

Kabirin i ye a kosi, tantago kumata, a ko,
"Baa kuŋ, baa kuŋ kuŋ."
Silan kabirin tantago
jaata, bitug i ye doŋo
dati. Suluwolu la tan-
tagolu be a fo la,
"Siyoyon baa ceŋo siyoy-
yon." Kabirin baalu bee
be i doŋ kaaŋ, Loose ko
suluwolu ye ko, "Nte
fanap ye donkiloo le
soto." i ko a ye ko,
"I la donkiloo laa." Loose loota
luwo kono, a ko, "M faamaa mu suluu faalaa le
ti. Serunkoo baa a ye suluwo faa." Kabirin a
ye wo fo, a ye a buloo bula a la kufoo kono,
a ye suluu feňoo bondi, a ko, "Serunkoo fanap
a ye doo faa." A ye suluu feňoo bondi kotenke
fo suluu feňe kononto. Loose ko, "A tanjano,
bi i le mu tanjano ti."


Kabirin suluwolu ye wo moyi, i borita. Loose
ko baalu ye ko, "Ali nà bori!" Baalu fanap
bee borita, kaatu suluwolu pareeta le ka
baalu domo. Saayio, Loose meŋ noota, a ka
sunkaaŋ, wo i e ye baalu kanandi.



Kuma labanolu: Baalu jututa i kafuñoo la le. Itolu ka ñaadaa doron ne juubee. Moo jamaa ka ñoo juubee wo ñaa killino le ñaama. Wo le ye a tinna, ñ ka ñ fay muluyandi kuu la, anin ñoo neenewo siyaata ñ kono. Doolu ka hani a yitandi i la diinakuwolu kono le, bari hani saayin, i sondomoolu be faario niñ junuboo le la. Alla ye fay soto le, a ye meñ fo ñig kuwo to, Linjilli Kitaabu Luka 11:39,40 kono, a ko, "Alitolu diinamoolu ka pootoo niñ booloo banta le kuu, bari ali sondomoolu be faario haboo niñ kurunyaa le la. Alitolu toolewolu! Fo Alla meñ ye banta dadaa, ate le meñ konoto fanaa dadaa bañ?"

Duwoo nin Suluwo

Lug killio ne sotota,
suluwo be tambi kan
sitasugo la, a ye duwoo
je loorio sitoo santo. A
ko duwoo ye ko, "N doo duwa,
waati-wo-waati nte ka tambi
i te la jañ, bari nte none



mag ite je domoroo la. Ite ka jumaa le batu jaŋ, anio ite ka domoroo soto Ɂaadii le?"

Duwoo ye duuma juubee, a ko suluwo ye ko, "Kotoo suluu, nte ka Alla le batu ka n na domoroo dii n na." Suluwo ko a ye ko, "Fo Alla le be jii la naŋ santo baŋ ka domoroo dii ite la?" Duwoo ko a ye ko, "Hani, bari nte dankeneyaata le ko, Alla be domoroo dii la nte la le." Suluwo ko a ye ko, "N doo duwa, jii naŋ, i ye taa domoriñiniigo la, niŋ wo nte, ite te feŋ soto la, niŋ a mag ke buwo ti." Duwoo ko a ye ko, "Kotoo suluu, Mandinkoolu ko, 'Alla muta duwoo buka buwo domo.' Bii Alla be suboo le dii la nte la ka a domo." Suluwo ko a ye ko, "Wo to nte fanaa be i la fiŋ Alla batu la le, fo a si suboo dii nte fanaa la. Nte be sii la fiŋ sitasugo koto jaŋ ne ka i la Alla batu."

Duwoo be loorio santo, suluwo be siirio duuma. i ye Alla batu. Kabiriŋ soomandaa fo tiloo loota kunto, i mag feŋ je. Konkoo dunta suluwo la. A ye a kuŋo wulindi, a ye duwoo juubee santo, bari duwoo mag tara sunuriŋ. A be kontaaniriŋ ne hani saayio. Suluwo ko a hakiloo kono ko, 'Konkoo ye nte dorog ne muta. N doo duwa juubee, a be seeworiŋ.'

i ye Alla batu fo wuraaroo, feg mag soto. Suluwo ye a dati ka sunu beteke. A mag lafi suwo ye kuu, a mag domoroo ke. Wo to le a ko duwoo ye ko, "N doo duwa, nte be taa domori-finigo le la, kaatu nte te i la nij Alla batu noo la. Ite la nij Alla la kuwolu ka mee baake le. Niq nte ko, m be ite la nij Alla batu la, wo to konkoo be nte faa la le." Duwoo ko a ye ko, "Taa! Nte be Alla batu la le. A be domoroo dii la nte la le."

Suluwo taata domandig doron, a niq dannoo benta. A niq boroo muruta ka duwoo walio. Bari a mag kidikesoo daq noo. Paa! Kidoo kumata. Kesoo ye suluwo maa a kago to. A borita domandig, a korita. Bitug a taata busandi duwoo la sitasugo daala. Jannig a niyo ka bo, duwoo jiita naq santo, a ye i cupen suluwo konoo kaq. A ko suluwo ye ko, "Kotoo suluu, kuwolu be haadii le? Alla muta duwoo buka buwo domo, kaatu ite suboo be diyaa la baake le."

Kuma labanolu: I si nij kuwolu miira. i bot Mansaali Kitaabu 16:32 le kono, ko, "A be fisayaa la le ka muñoo soto ditna sombe waroo ti. A be fisayaa la le ka feg maroo soto i

fago kunto ka tambi saatese baalu bee kunto la."

Lipa kilin, woorowula faata

Kararilaa kilin ne sotota nuf, a be siiriq a la karari dulaa to. Luq kilin a ye keekoo waafilaa je tambi la siloo kan. A ye keekoo waafilaa kumandi, a ko a ye ko, "Kotoo, naa, ga i la keekewo san."

Kabirin a ye keekewo san, a ye a ke booli-ndigo kono. A ye a tondi a la taabuloo kan. Wo loo niq baroo teema, siyolu loota jee. Bitun a ye bayikuntoo sika, a ye siyolu firi-fasi, a ye woorowula faa.

A ye foofooroo ke a fan ye, a ko, 'Nte fatiyaata baake le. Lipa kilin, woorowula faata. Duniyaa bee be nte la niiq fatiyaa loq na le.' Bitun a ye bayoo kuntu, a ye safeeri kulu baalu safee jee, ko, 'Lipa kilin, woorowula faata.' Bitun a naata wo ke a la dondikoo bala, a ye taamasiloo dati ka duq duniyaa kono.

Kabirin a taata domandiu, a ye kunoo hente kango kono. A ye wo muta, a ye a bula a la

jifoo kono, a taata. A taamata fo wuraaroo, a mag futa saatewo ma. Wo to le a ye berekonkoo hayinag. Bitung a taata wo kaq ka i foñondin. Kabirin a futata konkoo ma, a ye kee kanago baa katago tara siiring jee. A la janayaa kaañanta meetari muwan ne fee, aduñ a la kuliyaa mu kiloo keme luulu le ti. Moo nene mag wo ñog fasogo je. Kararilaa ka mulug wo ñaa koto le ko ate fago ye kunoo meñ muta ñango kono, a ye a bula a la jifoo kono.

Kabirin wo kee kanago ye duuma juubee, a ye fiñ keendigo je loorid, aduñ saferoo be a la dondikoo bala. Kee kanago ye safeeroo juubee, a ye a karao, ko, 'Lipa kilig, woorowula faata.' A ko kararilaa ye ko: "Fo ite le semboo warata nte ti bag?" Kararilaa ko a ye ko: "Nio i haafita, ñà beroo fayi, ñà a juubee, meñ taa be jamfa la." Bitung kee kanago ye bere baa sika, a ye a fayi santo. Beroo taata santo, a jolonta naq duuma. Kararilaarido ko kee kanago ye ko: "Ite le beroo muruta naq duuma le, bari nte taa te muru la naq. A be jamfa la le, fo labago malayikoolu le be a muta la sago kono." Kee kanago ko a ye ko: "Wo te toofiaa ti! Moo te wo sembe fasogo soto noo ta."

Kabirid kararilaa ye a fad jimindi bankoo to, a ye a fad ke ko a ka beroo le sika. Bari yaarafad, a ye a buloo bula a la jifoo kono le, a ye wo kunoo muta, a ye a fayi santo. Kunoo tiita, a tiita, fo labajo i mag a je kotenke. Kee kanago ye duuma juubee, a ye kararilaa juubee, a silata. A ko kararilaa ye ko: "Tooñaa, ite fiogo te kerig." Wo to le a ye domoroo dii keendigo la, a ye a domo fo a konoo faata. Wo to le kee kanago ye a samba i ta mansakewo yaa. Kabirid i futata, kee kanago ye a la kuwo fo mansakewo ye. Bituñ jee niñ jee, kibaaroo janjanta saatewo bee kono ko mansa ye luntan baa le soto, meñ semboo buka misaali noo.

A ye a tara wo mansakewo la bankoo kap, kee sembemaa fula le be wuloo kono, mennu ka taamalaalu la fejolu suufaa, anig i ka i faa. Siiñaa jamaa, mansa ka a la soojaaroolu bula ka taa fiñ kee sembemaa fuloolu kele, bari kee sembemaa ka wolu bee faa le. Bituñ mansa naata a kankulaa ko, moo-wo-moo ye fiñ kee sembemaa fuloolu faa noo, a be a dimmusu kiligo dorog dit la wo maarii le la, anig a la mansayaa kara kiligo. Bari moo mag soto, meñ si taa fiñ kee kanaq fuloolu kele. Kaatu

moolu bee ye a loo ne ko, moor te wolu kele
noo la.

Saayiq mansakewo naata a fo a la luntago ye
ko: "Niq a ye wo kee sembemaa fuloolu faa
noo, a be a dimmusoo dii la a la le, aniq a
la mansayaa kara kiligo. Bankoo alifaalu bee
le be bendiq, kabiriq mansakewo be niq dookuu
kolego dii la niq kararilaa la, meq ka wooro-
wula faa lipa kiligo la. Bankoo moolu bee ye
a kibaaroo moyi le ko, a ka woorowula le faa
lipa kiligo la. Bari moolu mag a loo ko, a ka
sti kumbaa woorowula le faa lipa kiligo la.
Wo le mu kulloo ti, moolu mag meq loo. Niq a
ye i tiliq bankoo moolu bee haatiligo la ko,
a ka sii kumbaa woorowula le faa noo lipa
kiligo la, wo to a darijoo be jii la duuma
baake le. Bari saayiq, niq a ye mansakewo la
kontiraakoo fanaa taa, wo mu saayaa le ti ate
ye. A tutu teyibali fankaasoo to.

Kararilaa hakiloo naata bulu ko: "Haamego le
kummaayaata semboo ti." Bituq a ko mansa ye
ko: "N lafita i si tili saba dii n na, ka niq
kontiraakoo keñaa koroosi, janniq m be duq na
a kono. Kaatu foloo-foloo, n suulata ka niq
kee sembemaalu la taradulam loo, aniq i ka
baluu haamen. Fulanjan, n suulata ka i la

funtiwaatoo loq aniq i la foñondiq waatoolu. Wo le ye a tinna n lafita mansakewo si tili saba dii n na." Mansa ko a ye ko: "Bisimilayi, wo te kasi ti. M be moolu dii la i la le, mennu be ñiq kee sembemaalu dulaa yitandi la i la." Tili saboo luq foloo, kararilaa niq a la moolu taata wuloo kono ka taa ñiq kee sembemaalu la dulaa yitandi kararilaa la. Kabirin i dasata jee la kilomeetari fula ñoq na, kararilaa ko i ye ko: "Ali loo jaq, ali ye m batu, fo janniq m be muru la naq."

A ye a la hawusaroo deg a karoo la, a taata ñiq kee sembemaalu la dulaa to. Kabirin a sutiyaata buqo la, a ye a dati ka taama kuuke, fo a kana maakago ke. Sutoo kono le mu, bari kararilaa ye a kata le, fo a sutiyaata buqo la. Bari a man feq je. A ye a ñaa ke buqo ñaatilino la, a ye kee kanaq baa kataq fula je laarin, i be siinoo la ko bamboo. Jee niq jee feeroo bulata a hakiloo kono. A ye bere kaañandiq luulu tombog, a ye i bula a la jifoo kono.

Saayiq ñiq kee sembemaalu tarata siinoo kaq yiroo le koto, meq jamboolu siyaata baake. Kararilaa qunumata, fo a futata wo yiroo ma.

A saleta a santo, a siita yiribuloo kan, meed tarata nioo kee sembomaalu kunto. i bee be siinoo la fo i ka kirinti birrr...birrr...birrr...barrr

Kararilaa siita kuuke, a ye bere kilig bondi a la jifoo kono, a ye kee kiligo sumay, a ye a bug a sisoo to. Kewo barata, a ye dulaalu bee juubee, a mag moo je. Bitug a ye a moofoo kuniq, a ko a ye ko: "Nioo m be siinoo la, kana n tipa kotenke. Kaatu nioo ite ye nte tipa, wo be keloo le saabu la." Bitug wo doo ko

a ye ko: "Ite be siiboo le la,
kaatu nte mag i
tipa." Bitug i
ye i laa kotenke,
siinoo ye i
bee taa.

Kararilaa ye
bere fulanjago
taa, a ye wo kee
kiligo bug kotenke.

Kee sembomaalu damaa
ye sonkoo dati, bari i mag kele. Bitug i ye i
laa kotenke. Bari kabirin kararilaa ye wo



kiliq bug kotenke, a wulita, a n̄apita a moofhoo kan, bitug keloo kumaasita.

Kararilaa la moolu be loorid kilomeetari fula noo, bari itolu bee ye a loq ne ko, kuu le be kerid kee sembemaalu la dulaa to. Nid kee sembemaalu ka yiri sundipolu le wutu, i ka hoo tipa a la. Kararilaa ye meq bug beroo la, wo le ye a kafuhoo faa. Bari a kafuhoo fanaa ye a barama le, fo a mad taama noo, bitug a busandita.

Kabirid kararilaa ye wo je, a jiita naq a la yiroo santo. A taata wo kee sembemaa baramarido kan, a ye a sepu a la hawusaroo la fo wo faata. Bitug a ye a fago baloo bee ke kee sembemaalu yeloo ti, fo moolu si a miira ko, ate le ye wolu bee faa. A taata, a ye mansa la moolu kumandi. Kabirid wolu ye a je a baloo bee nid yeloo, wolu bee jaakalita, aduq i silata fanaq.

Jee nid jee kibaaroo futata mansa ma. Mansa seleta a la suwoo kan, a ye nid kee sembemaa fuloolu je taario, a ye kararilaa juubee. A ko a ye ko: "Tooñaa, tooñaa, ite ka woorowula le faa tipa kiliq la. N dimmusoo fele, a futuu, aduq m be n na bankoo nid maafago bee dii la i la le ka a mara."

Kuma labapolu: Tumandoo ite be lafi la ka haamen ko nio kararilaa. Niq ntolu ye haameeno ninio Alla bulu, ntolu be sotoo ke la a la le, meq be siyaa la duniyaa niidiyaa ti. Alla Taalaa ye ntolu laahidi badaa-badaa baluwo la le, niq ja haameeno soto ka taa Alimasihu Yeesu la. A safeeta Korintiyankoolu la teetari foloo (1:30) kono ko, "Alla ye Alimasihu le taa ka ntolu haamendi, ka ntolu tilindi, ka ntolu seneyandi, aniq ka ntolu kiisandi."

Ninsoo nin jatoo la sonkoo

Saq kilio ne sotota, suloo, ninsoo, jatoo, aniq faloo denta ka dookuwo ke dulaa kilio to. i ka kari dookuwo le ke. Itolu bee le ye dijo soto. i ka i digolu maabo dulaa jago le to. i ka taa dookuwo la ko meq ka bo Seerekundaa ka taa Birikaama. Niq i ye dookuwo ke fo kontog waatoo, i ka muru ka taa i digolu suusundi. i bee ye i fansug donkiloo soto le, i ka meq laa, fo i digolu si a loo ko suusuwaatoo siita le. i ka loo dulaa kilio ne to dulaa jago to. Bitug i kilio-kilio na ka donkiloo laa. Niq meq ye donkiloo laa, i si a

je, wo digo si bori naq ka suusuu. Foloo-foloo suloo le ka donkiloo laa. A mu fiq ne ti:

Ler ler kufayi fayi sulandigo.

Ler ler kufayi fayi taatoo ler ler.

Kufayi fayi naatoo ler ler fayi fayi.

i si a je, a digo si bori naq ka suusuu.
Faloo fanaq si a la donkiloo laa:

Jemberen jemberen, falidigo,
jemberen jemberen.

Taatoo jemberen, jemberen naatoo
jemeren jemberen.

Wo fanaa digo si naa ka suusuu. Jatoo fanaa
si naa, a ye a la donkiloo laa:

Burufuti kaj kaj, jata digo,
burufuti kaj kaj,
taatoo burufuti kaj kaj,
naatoo burufuti kaj kaj.

Wo fanaa digo si naa, a ye suusuu. Ninsoo le
ka labaq ka a digo kumandi. Ate ko:

Mbuu mbuu, ninsirijo, mbuu mbuu.

Taatoo mbuu mbuu. Naatoo mbuu mbuu.

A digo si naa, a ye suusuu. i ka fiq ne ke fo
samaa teema.

Lug kilig sotota, jatoo ko, ate be taa kenoo to. Birig a taata, yaarafan, a taata le ka ninsoo la donkiloo laa. Wo digo borita naaj. A ye a miira ko, a baamaa le mu. Yaarafan, wo nte. Jatoo le mu. A ye a muta ka a faa ka a domo. Birig a ye i bandi, a muruta dookuu-



dulaa to. Suloo ye a kininkaa, a ko a ye ko: "Kotoo jata, bari i meeta le ko." Jata ko a ye ko: "Nio ya i buutee, i si a loo ko, nte mag ke i fulago ti. I ka nte le kininkaa, men ye a tinna, m meeta? I buka malu." Bituu suloo ye a daa biti. Kaatu jatoo le ye a noo.

Saayig kontog waftoo ellta, edug i baa hanta ka tan i digolu swusundi. Birig i futata i ke too daameg ka i digolu kumandi, suloo ye a

digo kumandi, wo naata. Faloo ye a digo kumandi, wo naata. Jatoo ye a digo kumandi, wo fanaq naata. Ninsoo ye a digo kumandi, bari a mag naa. A ye a kumandi kotenke:

Mbuu mbuu, ninsirigo, mbuu mbuu.

Taatoo mbuu mbuu. Naatoo mbuu mbuu.

Bari hani wo, a mag naa. A kumboota, a kumboota, fo a mag a loo, a be meq ke la. Suloo ko a ye ko: "I deyi! I be a loo na le, meq keta i digo la."

Bitug i janjanta ka taa i laa. Suutoo suloo ye a kalamuta siiboo kono ko, jata le ye ninsoo digo faa. Birig fanoo keta, suloo ye a fo ninsoo ye, meq ye a tinna, a ye a digo kumandi, adug a mag naa. Ninsoo kamfaata baake wo kuwo la. Birig i muruta i la dookuddulaa to, a fanaa muruta naq ka jatadigo kele, fo a ye a faa. A borita, a taata dende kotoo buntali kooma.

Birig a be wo boroo la, a niiq daafeq doolu ka bed siloo kan. Wolu ka a kininkaa, meq keta fo a be boroo la le donkiloo kono. Donkiloo ko: N kotoo ninsi, i ka mug ne boriwo samba dawaroo n doo kee?

A ye n taa faa, ja faa
samba dawaroo n doo kee.

Wolu si a fo a ye: "Ite le ye jata tookee." A borita wo le fiama, fo a futata buntali ma. Wo fanaa ye a fininkaa: "N kotoo ninsi, i ka mug ne boriwo samba dawaroo n doo kee, a ye n taa faa, ya a taa faa samba dawaroo, n doo kee." A ko a ye ko: "Naa jan! Nte be i maakoyi la le. A te haafi la ka i maa jan."

Birin jata ye a kalamuta, meo keta a la, a niq bori baa ye ninsoo nooma, fo a futata buntali la koridaa kono. Birin a ye ninsi je, a ko, a be fiapi la a jan. Bari buntali ko a ye ko: "Nio i ye fiid maa jan, i si a loo, meo be kerio." Jata ko a ye ko: "I buka malu. Hannio ya i taa ka i suruba, n te a loo na, fo feo ne be n kono." Buntali ko a ye ko: "Ndundi jee." A ye a dundi. Buntali ye a bug a nudo kono. Jata ye a fuura, bari a meo a bondi noo. Buntali taata fo a kunkedo kono. A ye a bug kotenke. Jata faata. Buntali funtita. A ko ninsi ye ko: "Taa, i jawoo faata le." Ninsi ye buntali tentu a la maakoyiroo la.

Kuma labanolu: Ninsoo nio jatoo ye hadamadigolu daajikoo le yitandi. i ka jawuyaa joo koo to le. Wo le ye a tinna keloo niq bataa kuwo siyaata fiid duniyaa kono. Alimasiihu

Yeesu ye sila doo yitandi. A ko Linjiili Matiyu (5:39) kono, ko: "N lafita ali ye a loq ko, ali kana i joo moo jawoo to. Niq moo ye i lipa i bulubaa tamoo to, ite si i tama doo tiliq a la." Niq tooñaa diinogo doron si jawuyaa bañ noo le.

Fo duntunkaralago ka niyo ke tumbu furewolu kono le ban?

Moolu ka a fo le ko, duntunkaralago mu tumbu kaawakuu-yaarin baa le ti, kaatu a ka tumbu furewolu samba a la buño kono le, bituñ a si niyo duq noo wolu kono. Moo jamaa le laata ñiq kumoo la. Wo kamma la, moo jamaa le ye duntunkaralago buuñaa.



Lug kiliq ne sotota, na keebaa doo le ñininkaa, fo ñiq kumoo mu toofaa le ti bañ, kaatu ntolu ye a karap ne ko, Alla doron ne ka niyo dii niilamaa fegolu la. Niq keebaa fanaa mag balap ko, Alla le ka niyo dii niilamaa fegolu la, bari a naata duntunkara-

largo la niyo dadaañaa saata n ye, meŋ
jaakaloo warata baake.

Niŋ mu taaligo le ti, keebaarigo ye meŋ saata
nte niŋ n kafuñoolu ye:

'Sanji wuli-wuli koomanto, jannin hadamadigo
niŋ niyo ka dadaa, Alla ye yaamaroo dii mala-
yikoolu bee la ka maabo, kaatu a be naa feo
ne dadaa la, adug a man lafi daafen ye wo
dadaañaa je. Wo tumoo duntunkaralago fanaa mu
malayikoo le ti. Bari ate maabota dulaa dete-
rigo le to, a si Alla je noo daamen, aniq
Alla te ate je la daamen. A lafita ka a je,
Alla be niyo dadaa la ñaamen. Niyo dadaañaa
ye a kumpa baake le.

Kabirig Alla pareeta niidadaa la, a ye duntu-
nkarakalago je denderig. Wo to le Alla ye
duntunkarakalago lipa a tewo to, fo a tewo
ñerenteta. Wo le ye a tinna duntunkarakalago
tewo ñerenteta. Adug wo le ye a tinna a ka
niyo dadaa noo, aniq a ka a dundi tumbu
furewolu kono.' Niŋ ne mu wo keebaarigo la
taaligo ti.

Kuma labano: Moo-wo-moo te baluwo dadaa noo
la fo Alla dorog. A ye badaa-badaa baluwo dii
ntolu la ka bo niŋ Alimasiihu Yeesu la.

Linjiloo (Yohana 14:6) ye wo tooñaa bambandi baake ko: "Nte, Yeesu, le mu siloo ti, tooñaa, anig baluu tooñaa ti. Moo-wo-moo te naa noo la m Faamaa (Alla) yaa, fo niñ a naata niñ nte la." Fo ite nene ye Yeesu tentu a la badaa-badaa baluwo to le ban, a ye meñ parendi ite ye?

Kanoo semboo le warata mansakewo ti

Mansakee kilig ne sotota nud. A la mansayaa ye semboo soto baake le, kaatu soojaari jamaa le be a bulu, mennu ka keloo ke a ye. Wo kamma la, a la bankoo warata baake, aduñ wo moolu bee ka naamoo joo ate le yaa. Niñ mansa keta fankamaa baa le ti, moo buka fankoo meñ saata noo. A nene meñ sii, a ye sila kuu-wo-kuu la. A jikita a fago semboo le la ko, moo-wo-moo te ate la mansayaa tiñaa noo la. Mansayaa niñ naafuloo le ye a faratindi.

Niñ mansa ye dimmusu kilig dorog ne soto a la baluwo muumee bee kono. Aduñ a ye a kankulaa ko, wo sunkutoo le hanta ke la mansamusoo ti, niñ a faata. Aduñ wo kamma la kee-wo-kee meñ

Kao na nio sunkutoo kanu la, nio wo maarii bonsugolu nene mag ke mansa ti.

Mansa ye bankumoolu bee yaamari ko, nio moo-wo-moo ye a dimmusoo kanu, adug wo maarii bonsugolu nene mag ke mansa ti, a be wo maarii faa la le.

Saayid mansa dimmusoo hakiloo warata baake le. A mag ke moo ti, mey faratita. A ka koroosiroo ke baake. Adug a ye a log ne ko, a faamaa la nio yaamaroo mag beteyaa. Kaatu moolu le ka mansa ke mansa ti. Mansa buka a fago ke noo mansa ti, nio moolu mag a ke a ti. Nio moo te duniyaa kono, jumaa le be a log na ko, ate faamaa mu mansakewo le ti? Wo to mansa mag fisayaa moolu ti, mennu ye ate ke mansa ti. Ninnu le mu kumoolu ti, mansa dimmusoo ka tu mennu miira la waati-wo-waati. Adug kabirig a ye nio kumoolu fo a faamaa ye, a faamaa kamfaata baake le. A sileta ko, a dimmusoo kana futuu doobas ye, mey bonsugolu nene mag maneayaa soto. Adug mansa la wo miirroo mu tooñaa le ti. Kaatu a dimmusoo ye kambaane doo le kanu, mey too mu Sampa ti.

Sampa faamaa faata le nub, kabirig a be sanji tap nio naani. Sampa baamaa tarata a fago le bulu, kabirig a faamaa faata. A ka dookuwo ke

kunkoo le to, ka a baamaa niq a fadu daafini. Baawo Sampa la kunkoo ka fiifeñ jamaa le bondi, saatee alikaaloo ye wo buusi a bulu, a ye kunkoo doo dii a la, meñ buka fiifeñ jamaa bondi. Sampa taata mansayaa lug kilig ka alikaaloo samane. Bari yaarafad, alikaaloo ye mansa duku le. Alikaaloo ye kiitiyo kañee, kunkoo keta a taa ti. Sampa mañ kiitiyo kañee, a foota kunkoo la, bari a mañ foo mansa dimmusoo la kanoo la.

Baawo Sampa ye saatee alikaaloo le samane, mansa ye yaamaroo dii ka Sampa sorog bunjawoo kono. Sampa mañ balaq, kaatu a ye a tog ne ko, toofaa le ka labaq. Mansa dimmusoo ye daaniroo ke, bari mansa mañ soñ. Dalilila fula le be jee, meñ ye a tinna sunkutoo ye a faamaa daani. Foloo-foloo, kiitiyo mañ tilig. Fulanjago, sunkutoo ye Sampa kanu le.

Kabirio mansa ye wo tog, a ye a dimmusoo killi buñgo kono, a ko a ye ko: "Ita mañ moó kanu fo Sampa. Niq bonsugo nene mañ ke mansa ti. Kana niq kanu muumeeke." Sunkutoo ko: "Toofaa, Sampa bonsugo nene mañ ke mansa ti, bari niq i mañ Sampa fintindi bunjawoo kono, nte be m fañ faa la le daki. Kaatu nte ye Sampa doron ne kanu."

Mansa ye a ñaalu torotoro, kaatu a ye a miira nuj ko, a ye kumoolu mennu moyi, wolu mu siiboo jawoo le ti. Bari kabirin a ye a ñaalu yele, a ye muroo je a dimmusoo bulu. Mansa ye yaamaroo dii tariyaake, ka Sampa bondi bunjawoo kono. Wo le keta Sampa kanafaa ti kaboo bunjawoo kono ka taa a baamaa yaa.

Kabirin Sampa futata suwo kono, a buka feq-wo-feq miira, fo sunkutoo ye kanu baa men soto a ye. Sunkutoo nene mag a je fo wo luq kiligo. Bari hani wo, a ye Sampa kanu fo tabago, a lafita ka a faj faa a ye.

Kabirin Sampa bota bunjawoo to,
mansa ye buj baa katajo too, a
ye kee kanan tap niq fula seenee.

A ko, wolu kali wo bujo kanta, a
dimmusoo be daameq. A ka wolu bee joo karoo dalasi tap luulu le la. Adug a ko, niq moo-wo-moo ye Sampa buj, waraq i ye a muta, niq a naata wo bujo daala, a be wo maarii joo la keme kilig ne la.

Mansa ye kiilaalu kii bankoo bee kaj ka mansa digolu kumandi naq, fo a dimmusoo si lafi wolu la, aniq a ye ñina Sampa fuwaaroo la. Bari niq moo-wo-moo naata, mansa dimmusoo buka lafi wolu la.



Mansakee kilig ne naata soto, mey naata ka
kig sunkutoo futuu. Bari sunkutoo may son. Wo
to le a faamaa ko a ye ko: "Samyio, i be
futuu la kig ne ye, diyaa kuyaa, kaatu kig ne
mu mansakee labago ti, mey si naa ite futuu.
Saama m be futuwo siti la ali teessa le, adug
a be i samba la le." Sunkutoo ye kumboo dati.
A kumboota, fo a haalu yitita. A may a fan
faa noo, kaatu kee seenewolu le ka a kanta.

Kabirio Sampa ye kig kumoo moyi, wo suutoo a
pareeta ka taa a kanuntewo juubee, hanniee kee
seenewolu be a faa la. A lafita le seenewolu
ye a faa. Bari a mag lafi a ye tara baluuriq,
mansakewo ye a kanuntewo samba. A fanaa
lafita ka a niyo landi ka sunkutoo je doron.

Kabirio suwo kuuta, Sampa wulita, a taata.
Kabirio a futata seenewolu ma, wolu ye a muta
ka a samba mansa yaa. Sampa ko i ye ko:
"Jannie ali be n samba la, ali kanta n hini-
nkaa la le, mey ye a tinna nte naata jaq.
Kaatu nte fago ye a loq ne ko, nigg n naata
jaq, mansa be m faa la le." Seenewolu ko a ye
ko: "Wo to, bud ne ye a tinna ite naata jaq?"
A ko i ye ko: "Kanoo le ye a tinna, nte naata
jaq." i ko a ye ko: "Ite ye jumas la kanu?" A
ko i ye ko: "Foloo-foloo, nte ye alitolu le

kanu, fulanjago, ali ka sunkutoo mey kanta." Seenewolu ko a ye ko: "Wo mu mug kuma le ti?" Sampa ko: "Nte ye kayiroo le daniya alitolu bee ye, ko da a daniya m fango ye flaamey. Wo kamma la, nte ka kodoo mey bee maabo, anio n ka dookuwo mey bee ke, n ka wolu ke n digolu le ye. I si a je, nio m faata, m be n digolu le tu la n kooma. Bari alitolu dug ka dookuwo ke jumaa le ye?"

Seenewolu ye nio kumoo miira i sondomoolu kono. i ye fioo kaa kono juubee, bari jaabiroo mey ke noo. Sampa tententa, a ko i ye ko: "Alitolu ka ali la duniyaa baluwo bee ke fin mansa le ye. A ye alitolu muta, a ye ali bee seenee a dimmusu kiligo doroy na kuwo kamma. Alitolu te diyo soto la kotenke. Nio ali faata, moolu bee be fina la alitolu la le burayi. Bari moolu te fina la mansa la, kaatu diyo be a bulu le. Wo dimmusu kiligo le ye nte kanu, fo a lafita ka a fan faa n ye, fo m bota bunjawoo kono. Saayig mansa lafita ka a forisee ka futuu moo ye, a mag lafi mey na. Nte lafita ka a kanandi. Bari jannig m be a kanandi la, da balafaa baa le soto ali ye anio kanoo, ka a yitandi mansa ye mey ke alitolu la."

Seenewolu ko a ye: "Toofaa, moo nene mañ fiñ kumoo fo ntolu ye. Ntolu laata le ko, i ye ntolu kanu le. Bari i be fiñ sunkutoo kanandi la ñaadii le?" A ko i ye ko: "M be m fago le dii la mansa la ka m faa, fo sunkutoo si bo fiñ kantaroo kono." A ko i ye ko: "Ali kana a faa! Ali a muta doron, ali ye a siti! Ali si kankulaaroo ke bankoo bee kaø ko, mansakee kutoo le siita mansasiirago kaø bii. Nte be taa sunkutoo yaa le saayio. Acaa! Ali taa!"

Seenewolu ye mansa muta. i ye a siti kut. Kankulaaroo ye bankoo bee beø ko, Sampa fuwaaroo le mu mansa ti. Kabirio saatee alikaaloo ye fiñ kumoo moyi, a ye a la fudoo sika ka bankoo bula. Bari Sampa ye a kumandi, a ko a ye ko: "Kana taa dulaa to. Nte yamfata i ye le." Alikaaloo jaakalita baake. Sampa naata ke mansakee sembemaa baa le ti, anig a la musoo meø mu mansa dimmusoo ti.

Kuma labapolu: Sampa ye kanu baa niø balafaa le yitandi mansa dimmusoo la anig alikaaloo. A naata ke mansakee tilindigo ti. Fo i man a loø ko, Yeesu le warata ka tambi Sampa la, anig ate le warata ka tambi mansakewolu bee la? A la kanoo warata baake, fo a ye tooroo taa ntolu la junuboo ye, anig a fasta ntolu

la palaasoo to. A yamfata ntolu ye, a nio a ye kayiroo sabatindi ntolu nio Alla Taalaa teema. Linjiloo (Matiyu 11:28,29) kono, a be safeerig ne ten, ko: "Ali naa nte kan, alitolu bee, mennu ye bataa soto aniq duni kuligo. M be ali dahandi la le. Ali n na yookoo duni, aniq ali ye kuwolu karay nte bulu, kaatu nte tenkunta le, aniq ya fammajiyoy soto n sondomoo kono. Adug ali be dahas soto la ali niyolu ye le."

Siiñoo kuu buka siiñoo kaari

Faaraa sugo nio jambakataa sugo be leoring hoo daala wuloo kono. Itolu keta siifoomaaaiu le ti, aniq teerimaalu, kaatu i be hoo daala le. Luu kilig jambakataa kuuranta. A ko faaraa ye ko: "N teerimaa, aniq n siifoo, kuuraga ye m batandi baake le saayig. Dukaree, m maakoyi booroo to, fo n si kendeyaa. Nio i mag booroo dii n na, m be faa la le. Dukaree, m maakoyi."

Wo tumoo faaraa ye booroo soto le. Bari a ye hio miira a sondomoo kono ko, 'Nio ya booroo dii jambakataa la, nio a kendeyaata, nte nio

ate be ñig kunkoo jambandoo talaa la le. Adun jambandoo siyaata ñig kunkoo kono baake le. Bari nio m mag booroo dii a la, nio a faata, nte kilig ne be ñig jambandoo bee soto la.' Wo daliiloo le ye a tinna, faaraa balanta ka booroo dii a siñoo la, jambakatano.

A ko jambakatano ye ko: "Toofaa toofaa, booroo te nte bulu. Nio a be m bulu, m be a dii la i la le." Jambakatano kumboota, bari hani wo faaraa mag sog ka booroo dii a la. Labago la jambakatano ko faaraa ye ko: "Nte ye a log ne ko, booroo be i bulu le, bari i balanta le ka nte so. Bari m be kuma kilig fo la i ye, i si i hakiloo tu wo kumoo to baake. Wo le mu ñig ti ko: Siiñoo kuwo buka siñoo kaari. Wo le ye a tinna, n ko i ye: M maakoyi. Bari i balanta. Wo kamma la, n na ñig mansaaloo to, hannie m faata, i si i hakiloo tu a to kendeke."

Tili dantan ñaato, jambakatano faata. A buloolu nio a sujo jaata. Faaraa kontaanita baake, kaatu a kilig ne be loorig wo kunkoo to. A ye a suloolu bee janjandi kunkoo karoo bee to ka jambandoo bee taa. Wo kamma la a warata, adun a jagayaata fanaa.

Lug kilig looñinilaalu naata wo kunkoo kono. Kabirin i ye jambakataq sun jaaroo je, i ye a kuntun-kuntun ka a samba suwo kono. Bari i mag juloo soto, i be a siti la meq na. Wo to le kee doo ye a kooma juubee, a ye faaraa sun baa je loorin. A ko a moõoolu ye ko: "Faara hayinaq. Ali ñà taaa juloo bo." Wo moolu bee ye i la teerapolu sika ka taa faaraa suno to. Wo to le, faaraa hakiloo bulata jambakataqo la mansaaloo la. Niq a ye booroo dii nuj jambakataqo la, moolu te a boyi la ka a ke loo ti.

Bari baawo a faata le, aduñ a jaata, moolu be lafi la le ka a ke loo ti. Aduñ niq moolu lafita loo samba la suwo kono, i be a siti la juloo le la. Faaraa duñ mu julu bete baa le ti, kaatu a bambanta le.

Faaraa kumboota baake. A ko: "Niq ña a loo nuj, ña n siñoo maakoyi. A juubee, nte mag saasaa, bari m bulata wo maasiibe fabogo le kono, ko meq keta n siñoo la." i ye a juloolu bee bondi fo a faata. Wo le ye a tinna, Mandinkoolu ko: Siñoo kuu buka siñoo kaari, faaraa niq jambakataqo.




Kuma Tabanolu: Faaras lafita nio kunku betoo la a fago doron ne ye. A warata baake, anin a la baluwo naata diyaa a ye baake. Bari a tabago keta saayaa le ti. Moolu mennu ka kuwo bee qaniya i fagolu doron ye, fanaa ka labaq wo le haama. Tinewo med sotota ka bo nio feere kurujo la, ka moo koteqolu toora le anin i fago. Bayibuloo ko Romankoolu la teetaroo (6:23) kono ko: "Junuboo joo mu saayaa le ti."

Woloo nin sano, i la ñoo ñaameno

N taalig, n taalig! Taalig diimaa! Woloo niq
sano taata suufaaroo la. i ye baa seenee
muta. i taata a jani wuloo kono. Silaq i ye a
jasig-jasig. Sano ye a fano dankundi ko, i ye
a killi suwo kono le. A seyita.

Birin a muruta naq, woloo ye a fininkaa: "Mu
ne mu?" Sago ko a ye ko: "Luntajo la be jee.
Djä a so suboo la?" Bitud
i ye a so. i siita jee
subukuntoo la, sago ye
a fago dankundi suwo
kono kotenke. A taata
i danku. A muruta naq.





A ko woloo ye ko: "Luntago le be jee. ñà a so suboo la?" i ye a eo. Kabirig sajo taata suwo kono ka suboo samba, woloo ye baa seenee suboo juubee. A dooyaata a fee. Birig sajo muruta nañ, woloo kaakaata, a podita santo, a boyita duuma. i be subukuntoo la daamen, a ye a fan ketundi. A be a dampayolu kosi la ñoo kañ. Sajo ko a ye ko: "Muñ ne mu?" Woloo ko a ye ko: "Baa seenee tiyo be n kuluu kañ ne, kaatu pa a la baa le suufaa." Wo loo niñ baroo teema sajo wulita. A silata baake le. A taata suwo kono ka suboo bee murundi nañ, i siita subu jasiñ-jasiñ la daamen. Silan woloo fanaq tenkunta. A ko sajo ye ko: "Yoo, feñ mañ nte muta. Nte lafita i ye suboo bee murundi nañ, à bee ñà a ñimi."

Kuma Tabanolu: Sañ ye faniyaa fo jawuke le. Ko meñ ñig sañ, moo jamaa ka faniyaa fo jawuke le. Killigo meñ buka faniyaa fo, wo le mu Alla ti. Tawuraatoo ye wo seedeyandi ko: "Alla mañ ke hadamadiño ti, niñ a si faniyaa fo." (Musa 1a Kitaabu naaninjago 23:19). Fo i mañ a loq-ko, faniyaa folasalu te duñ na arijana kono bañ? Alimasiihu Yeesu (Eesa) daani, ka sembooo díi-i la ka faniyaa foo bula.

Baarigo nin wulundigo

Baarigo niq wulundigo mu teerimaa baa le ti nq. Luq-wo-luq i ka taa feeyaa la haama japo kono saatewo banta la. i ka waati diimaa le soto hoo kad.

Soomandaa kilig, kabirin i naata i la feeyaa dulaa to, wulundigo be kontaanirin baake le. A ko: "I ye a loq ne bag, meq mu? Kunub suutoo da soloo le je, meq warata baake." Baa ye a fininkaa, a ko: "A ka mulud mud ne la?" Wulundigo ye a jaabi, a ko: "A warata le, adun a ye tombi jamaa le soto a bala." Baarigo ye a daani, a ko: "N lafita soloo je la le, meq warata, adun a be baluurin fanaa." Wuloo ye a jaabi, a ko: "Heyi, hanii! Soloo mu daafeed jawu baa le ti. N te soq na, i ye a je." Baa kumata, a ko: "Bari n lafita a je la le." Wuloo ko: "Hanii, hanii! N te soq na, i ye a je, kaatu a sagarata baake le."

Tilli jamaa i ka soloo la kuwo diyaamu. Adun baa ka daaniroo ke fo tilli jamaa la ko, a lafita a je la le. Labango la wuloo ko: "A beteyaata. I be n tara la jao, niq tiloo jiita." A ye a buloo coodi, tiloo ka tara

daamen talay luulu waatoo la. A ko: "M be soloo yitandi la i la le."

Wo wuraaroo, kabirin tiloo be jii kaq, baari-
no borita ka taa a teeri tara haama jan
jaaroo kono. Wuloo ye baa samba bere baa
kooma, a ye a tu jee. Haato domandin, baa ye
maakango moyi. Wo to le baa ye soloo juubee
tariyaake. Baa ye soloo feñoo dammaa le je,
birin a be taama kaq haamoo kono.


Wo saamoo soomandsa, kabirin i fuloo benta i
la feeyaa dulaa to, wuloo ye baa hininkaa, fo
a ye soloo je le. Bari baa ye a jasbi, a ko:
"Ja a feñoo dorog ne je, adun n lafita a
haadaa le je la." Wuloo ye a jasbi, a ko:
"Hanii, hanii! N te soy na, i ye a je, kaatu
a jawuyaata le."

Labayo la tili doolu koolaa le, wuloo bataata
baa la daaniroo la. Bitug a sonda ka baa
samba, fo a si soloo je kotenke. Saayin,
wuloo ye baa samba, fo a sutiyaata soloo la
siloo la. A ye baa bula a fay ye jee kotenke.

Jee nif jee baarigo ye soloo maakango moyi, a
be naa kaq. Saayin, a ye soloo karoo dorog ne
je tambi la. Bari hanii saayin, a man wasa.
Baa ko a teeri ye ko: "N lafita a fadlu le je

1a. N lafita a fiaalu le kono juubee 1a." Wulundingo ko: "Hanii, muumseke! A jawuyaata baake le. N te son na, i ye wo ka." Labayo la birin baa ye daaniroo ke fo a muta, wulundingo sonta ka baa samba dulaa to, a si soloo je noo daameej. A ye baa londi siloo kaq, soloo be tambi la daameej na wo suutoo. Wo to le wulundingo taata tariyaake, a ye baa doron fili jee. Bari saayin, baa silata le domandijo. A mag laa, meej be ke 1a. Sambii diboo be dug na. A mag mee, a ye maakago moyi soloo la siloo kaq. A dankeneyaata ko, soloo ka naa. A si mug ne ke noo?

Nio wuraroo konkoo ye soloo muta baake le. Kabirin a ye baarigo je, i ye fioo haa kono juubee. Bituŋ soloo ḥapita baa kaq, a ye a domo.



Kuma labanolu: Wulundingo ye yaamari bete baa le dii baarigo 1a. Bari baarigo kudo jaata le nuj. A 1a Tannabaliyaa ye kasaaroo le saabu a ma. Alla ye ntolu moolu yaamari siifaa jamaa

jamaa. A ko Taarikoo Kitaaboo (4:12) kono, ko: "Kisoo te soto la moo doo kono, kaatu too doo man tara duniyaa bee kono, meej diita moolu la, ntolu si kiisa noo daamen." I ye a loq ne, wo maarii too mu jumaa le ti, men ka kiisa noo le bag?

Baa ye men ke baana la,

a ka je a kuloo le bala

Jamani jaq koomanto, kee kilig ne sotota nuj, meej too mu Sambu ti. Sambu baanaa faata le nuj, kabirig ate be sanji saba. A faamaa raata musu doo le futuu, meej kuruduyaata baake. Niq mueeo la wo kuruduyaakamma la, a man hani djq kilig soto. Wo le ye a la kuruduyaakamma lafaa baake.

Sambu mu dookuulaa baa le ti. Adug a ka a kata le baake, ka a baandig seewondi. Bari niq Sambu ye kuu-wo-kuu ke, wo buka a baandig kontaani. Niq samaa boyita, Sambu ka dookuulo ke le, kabirig subea fo fitireeo. Niq ammaa banta, Sambu ka buntug nusayn ne fandi hookesee la. Adug saq-wo-saq a ka falli tan

saba le soto tiyoo to. Bari hani wo a baanding
ye a koo ne, a buka domori jamaa dii Sambu
la.

Lug kiliq Sambu ko a faamaa ye ko: "Baabaa,
nte tafita le ka taa duniyaa kono finindiroo
la. Nte te sii noo la m baanding koto jag,
kaatu a mag lafi nte la. Baabaa, dukaree, ya
i daani, i ye yamfa n ye, ya taa." A faamaa
ko a ye ko: "Sambu, tooñaa, ya a loq ne ko, i
be toora baa le kono jag. Bari i fanta ke la
muñalaa le ti, kaatu dinkeeriyaa mu muñoo
doroy ne ti, aniq bataa. Bataa-wo-bataa ye
dahaalugo soto le. Nte le ye i wuluu, bari
nte te i la dookuwo joo noo la. Alla doroy ne
ka dookuulaa joo. Kuruyyaa si mee haa-wo-haa,
tooñaa le be labaq na. Adug Mandinkoolu ko:
Baa ye meq ke baana la, a ka je a kuloo le
to. Sabari, i ye Alla muta, aniq i ye mufa i
la bataalu bee kono."

Sambu nene mag a faamaa la yaamaroo soosoo.
Wo kamma la, a tutu suwo kono. Sanji fula
haato, a baanding ye konoo taa, a wuluuta
dinkewo. Wo dinkewo naata keabaayaa. Sambu ye
a karandi senoo la, aniq dookuwo fasogo bee.
Niq fondinkewo too mu Tafaa le ti. Baawo

Sambu le ye a karandi, a keta sembemaa baa ti. Aduu a ye dookuwo noo kendeke.

Sanj kilig naata soto, Sambu kuuranta, fo a mag a la kunkoo fita noo. Tafaa lafita ka a maakoyi, bari a baamaa mag soq. A ye Tafaa kumandi a la buqo kono. A ko a ye ko: "Ite mag hamoo soto! Sambu kotoota le saayin, aduu a lafita le ka yaakaari ite semboo ls. Muq ne ye a tinna, ite te i fansuq kunkoo bo la, i ye dookuwo ke i fag ye? I nio Sambu kana dookuwo kafu kotenke." Tafaa fanaq mag soq, a nio Sambu ye dookuwo kafu. A ye a fansuq kunkoo fita. Kabirig samaa boyita, a taata a la kunkoo to. A mag fag fo Sambu ye. Kabirig Sambu fanaa ye nio kuwo koroosi, a fanaa saasaatoo wulita, a ye kenendig fita. A ye a la tiyoo fii jee, kaatu a mag bambaq baake. Bindewo banta, tiyasoo banta, tiyabusoo keta, bootoolu aloodita. Toofaa naata. Tafaa la wo kunku bee ye fali kilig nio bootoo dorog ne bondi. Sambu la kenendig ye fali tan bondi. Tafaa nio a baamaa jaakalita.

Tafaa nio a baamaa ye feeroo siti ka taa Sambu la tiyoo suufaa suutoo. Kabirig moolu bee ye i lsa, Tafaa wulita. A taata Sambu la kunkoo to ka tiyoo suufaa. Bari kabirig a ko,

a be tiyoo suuñaa la dorog, keebaa kotoo fintita a kan. A booraa jaŋayaata fo a konoo to. A kuntiyo bee be koyiriŋ anig a ñaati-mboolu. A ñaakesoolu ka malamala ko karoo. Tafaa silata baake. A maŋ bori noo, aduŋ a maŋ wuuri noo. Keebaa kotoo naata, fo a futata Tafaa ma. A ko a ye ko: "Muŋ ne ye a tinna, ite lafita ka i kotoomaa la tiyoo suuñaa? Nte mu i kotoomaa harijewo le ti. Aduŋ nte le ka a la sotofegolu bee kanta. Wo kamma la, nte te eŋŋ na, i ye hani tiya kaamaa kiliŋ suuñaa."

Tafaa ko a ye ko: "Toofhaa, bari ite fayo ye a loŋ ne ko, nte le la kunkoo warata i la kunkoo ti. Wo to muŋ ne ye a tinna, i la tiyoo siyaata n na tiyoo ti?" Keebaa kotoo ko a ye ko: "Daliiloo maŋ ye a tinna, i la kunkoo maŋ tiya jamaa bondi, wo le mu ŋin ti ko, i harijewo be siinoo le la dulaa jaŋ baa to. Aduŋ niŋ i maŋ taa ka a kuniŋ, i te feŋ soto la i la baluwo muumee bee kono."

Tafaa muruta suwo kono. A ye ŋiŋ kumoo bee fo a baamaa ye. A baamaa ko a ye ko: "Saama soomandaa juumoo, i ŋeffia wuli la le, i ye taa ka i harijewo kuniŋ." Fanoo keta dorog, Tafaa wulita. A taata ñaniyyaa kono ka taa a

harijewo kuniq. A taamata fo lookud kilig, a man fey-wo-fey je. Wo saamoo, a niq jatoo benta. Jatoo lafita ka a domo. A ko jatoo ye ko: "Kana nte domo. Nte niq n kotoomaa le ye dookuwo ke. N kotoomaa ye kenendiq ne dookuu. Nte ye kene baa dookuu. Bari kabirin teretoo siita, n kotoomaa ye fali tan soto, nte ye fali kilig soto. Bitug suuto kilig, nte taata ka n kotoomaa la tiyoo suuñaa. Bari n kotoomaa harijewo fintita n kaj. A ko, n te n kotoomaa la tiyoo suuñaa la. A ko, n harijewo le be siinoo la dulaa jan, aduq niq nte man taa ka a kuniq, n te Fey soto la. Wo le ye a tinna, m be taama kaj ka n harijewo Riniq. Dukaree, kana nte domo."

Kabirin jatoo ye ñiq kumoolu moyi, a bala-faata Tafaa ye baake. Bitug a ko Tafaa ye ko: "Nte be yamfa la i ye. Bari n lafita, niq i ye i harijewo je, i si a Riniinkaa, mey ye a tinna, nte konoo buka faa, hanniq za domori baa ke. I si a la jaabiroo fo n ye, niq i muruta naq." Tafaa ye jateo laahidi, a tententa a la taamoo laa.

Tafaa taamata kotando fo tifi Tuta, sabanjago la a ye bugo hayiñoo wila jesroo kono. Aduq baawo suwo kuulta la, a taata wo bugo to ka

suutoo laa jee. Kabirio a futata bugo ma, a ye keebaa kotoo nio a dimmusu Rtimaa baa tara jee. Wolu ye laadulaa nio domoroo dii a la. Bitug i ye a fininkaa a la taamoo daliloo la. Tafaa ye a la kumoo bee fo keebaaringo nio a dimmusoo ye, fo a pareeta. Bitug keebaaringo ko a ye ko: "Jaakali kilig ne be nte fanaa kag jay. Nio i ye i harijewo je, i si a fininkaa, mey ye a tinna, hani Maamoo buka falig nte la bugo dandago la. Adug hani nio na feq-wo-feq fii jee, a buka falig." Kabirio fanoo keta, Tafaa tententa a la taamoo la. A naata futa mansa koe kilig ne la bankoo kag, mey ka lafi luntanolu la baake. Kabirio moolu ye a je, i ye a samba mansa yaa. Mansa ye domoroo dii a la. A ye a fininkaa a la taamoo daliloo la. Tafaa ye a la taamoo daliloo bee fo mansa ye. Bitug mansa fanaa ko a ye ko: "Nio i ye i harijewo je, i si a fininkaa, mey ye a tinna, n na moolu buka juscila. Feq bee te n na bankoo kag ne, bari hani wo, n na moolu buka juscila. "Tafaa ye mansakewo laashidi ko,



a be a harijewo fininkaa la le, nin a ye a je. A taata. A naata futa berekonko baa ma.

A seleta santo. A ye keebaa konofutu baa tara laarin jee. A be siinoo la, fo a ka kirinti. Tafaa kapita keebaarigo kaa, a ye a jiijaa. A ko a ye ko: "Wuli! Ite moo naafari! Ite le ye a tinna, nte mag feg soto. Ite le mu nte harijewo ti. Wuli, wuli, wuli!" Wo to le keebaarigo wulita. A ye Tafaa juubee. A ko a ye ko: "Toofaa, nte le mu i harijewo ti. Bari baawo i ye n kuni ne, wo to taa dookuwo la bitu." Tafaa ko a ye ko: "Jannig m be taa, ja fininkaari saba le soto siloo kaa. Aduj n lafita, i si wolu fo n ye. Foloo-foloo, n tambita mansa kilig ne la bankoo kaa. Fego bee le be wo bankoo kaa, bari wo bankumoolu nene mag jusulaa. Muq ne ye wo saabu?" Keebaarigo ko a ye ko: "Wolu ye musoo le ke mansakewo ti, bari moo te wo bankoo kaa, mag ye nig kuwo loo. Aduj wo bankumoolu te jusulaa la, fo nig itolu ye kewo tollo mansa ti."

Tafaa ko a ye ko: "Fulanjago, ja suuto kilig laa buq doo le kono, mag be wula jeeroo kono. Bari feg nene mag falig wo buqo dandago la. Muq ne ye wo saabu?" Keebaarigo ko a ye ko:

"Sanoolu nio luuluwolu le be saarindig jee.
Nio wolu mag wuri jee, feq te falig na."

Tafaa ko a ye ko: "Sabanjago, na jatoo le je siloo kaj, bari wo jatoo konoo nene mag faa. Hanniq a ye subu jamaa domo, a buka kaafiq. Mud ne ye wo saabu?" Keebaarigo ko a ye ko: "Kuu kiliq dorog ne si jatoo la wo kuurago jaara. Nio a ye moo domo, meq fuuta duniyaa moolu bee ti, a la wo kuurago be kendeyaa la le."

Wo to le Tafaa muruta. A futata wo mansa la bankoo kaj. Kabirig wo mansa ye a je, a ko a ye ko: "I harijewo ye mud ne fo n na ñininkaaroo to?" Tafaa ko a ye ko: "Ntolu ñanta taa la bugo le kono, kaatu harijewo ye kuma baa le fo nte ye." Kabirig a nio mansa moo fuloo dunta bugo kono, a ko a ye ko: "N harijewo ko, ite mu musoo le ti. Adug i la bankumoolu te jusulaa la, fo nio kewo ye i mara." Mansa ko a ye ko: "I harijewo ye toofaa le fo. Nte baarinkewo le ñanta ke la nud mansa ti. Bari jawoolu ye a barama keledulaa. Bitug a qunumata, fo a futata suwo kono jaa, a taata. M faamaa ye ate dorog ne soto ñinikwe ti. Baawo m faamaa mag lafi mansaysa ye kasaara, a ye kee sitifegolu duu

nte la. A ye nte tolou mansakewo ti. A naata a kankulaa bankoo bee kap ko, a dimmusoo te faata, bari a dinkewo mag faa. Bitun wo le ye a tinna, nte keta mansa ti. Bari jannig m faamaa be faa la, a ko: "Nig kee-wo-kee ye nij feeroo bondi, nte fanta futuu la wo maarii le ye. Adun ite le keta moo ti, meq doron ye nij kuwo loq. Wo to, ke mansakewo ti, nte ye ke ite la musoo ti."

Tafaa ko a ye ko: "Hanii, nte be muru la suwo kono le, ka a yitandi n kotoomaa la ko, nte le kae kendeyaata a ti dookuwo la. Baawo saayio n harijewo wulita le, wo to nte be muru la le. Kee doo niniq, meq si ke ite keemaa ti."

Tafaa funtitaa mansa la bugo kono, a taata. A futata wo keebaaringo fanaa nij a dimmusoo ma. Kabirinj keebaa ye a fininkas, a "ko keebaaringo ye ko: "Peeloo samba nia, ñà bugo dandago wuuri. I be a je la, meq ye a tinna, fiifeñ buka fallid bugo dandago la."

Tafaa nij keebaaringo ye bugo dandago siq. i ye booto tag sayi le fandi luutuwo nij sanoo la. Keebaaringo ko a ye ko: "Baawo ite le ye a tinna, ntolu ye nij bee seto, wo to tu jau, i ye n dimmusoo futuu, ell si nij naafuloo bee

taa. Ali nio ali mamariqolu nio wolu mumuriqolu bee si ke duniyaa fankamaa baa ti. Nte keebaayaata le saayin, adun sambii nte be faa la."

Tafaa ko a ye ko: "Nte harijewo wulita saayin ne. Wo kamma la, nte be a yitandi la n kotooma la le ko, nte le barakata ate ti dookuwo la. Nte te tu la jaa, kaatu m be muru la suwo kono le ka dookuwo ke." Tafaa ye keebaarigo nio a dimmusoo fili jee. i ka i daalu yele Tafaa ka jaakaloo kamma la.

Tafaa be taa kaq, a nio wo jatoo benta. A ye mansamusoo la kuwolu bee fo jatoo ye, aniq ko mansamusoo lafita le, fo ate si a futuu, ate ye ke mansakewo ti, aniq ko ate manq sop. A ye keebaarigo fanaa nio a dimmusoo nio i la luuluu booto tan seyoo bee fo jatoo ye. Bitoo jatoo ko a ye ko: "Ite harijewo dun ye muq ne fo nte la kuwo to?" Tafaa ko a ye ko: "N harijewo ko, ite si moq domo, meq fuute duniyaa moolu bee ti. Niq i ye wo ke, i la kuurajo be kendeyaa la le." Jatoo ye Tafaa juubee, a ye i miira Tafaa la wo kuma fuloo la, a sawunta Tafaa kaq, a ye a domo. Adun jatoo la wo kuurajo kendeyaata le.

Tafaa baamaa bonota a dinkewo to, kaatu a lafita le, fo a dinkewo si tambi Sambu la, waran itolu ye kaañap. Wo le ye a tinna, a ye a dinkewo ñori maasifboo kono ka bo niñ a la feere jawoolu la. Wo le ye a tinna Mandinkoo-lu ko: "Baa ye meñ ke baana la, a ka je a fago kuloo le bala."

Kuma labanolu: Tafaa baamaa mañ tiliñ muumeeke le. Hani Sambu ye Tafaa maakoyi baake fiaa-wo-ñaa, a sonta a baamaa la jika kurunyaa la. Mansaali la Kitaaboo (11:6) ko: "Tiliñ ka moo tilindigolu kiisa le, bari moo meñ mañ ke lannamoo ti, be bula la kutindinga le kono ka bo niñ a la haboo la." Moolu si ntolu neenee noo le, bari Alla tilinta le. Wo kamma la, ali gâ ñ jikoo loo Alla kaw, men ye ntolu tilindi ka bo niñ Alimasithu Yeesu la.

*